



Oecumenische bieeênkomst

15 oktober 2017

‘Toe, vertel noe is...’



Liturgie 15 oktober 2017

‘Toe, vertel noe is...’

Urgelmuziek

(Ko de Visser)

Welkom

(Jan Minnaard)

Blommen

(Janny Geldof)

(me gae stae)

Zienge

Lied 305 NLB vers 1 en 3

1. Aol de eêre en de glorie
voe Gods schitterende naem!
Viert de vrede die a Um ier
uutroept over ôns bestaen.
Angezicht vol van licht
zie mie liefde op ôns neer.

3. Aol de eêre en de glorie
voe de Geêst, Gods levensgloed!
Voe de vlamme, voe den aesem
die a ôns vertrouwen voedt.
Zunne! Bron! Diepste grond!
Maek de tongen los voegoed!

(me gae zitte)

Accordeonmuziek

La Follia *B.K. Przybylski*

(Geleijn van der Ham)

Inleidieng

(Jan Minnaard)

‘Toe, vertel noe is...’

Zienge

Lied 1010 NLB vers 1, 2 en 4

1

Och Eêre, geef toch vrede,
de wêreld bluuf mèn strië.
Och Eêre, geef toch vrede,
de zwaksten ei te liën.
Et onrecht feêst op aerde,
de leugen die regeert;
niks liekt ier nog van wêrde,
elp ôns toch, sterken Eêr!

2

Och Eêre, geef toch vrede,
d'aerd' is t'r zò an toe.
Dì wor zò vee 'eleë
me bin benauwd en moe.
Wat komme m'aol nog tegen? –
en m'è zò weinig moed!
Och, Eêre Jezus, zegen
ôns mie joe vredegroet.

4

Och Eêre, geef toch vrede,
beker de tegenzin –
zò gauw van èffentènden,
zò driftig a me bin!
Da elken dag joe liefde
een plekje in ons vindt –
maek ôns een levend teêken
da vrede overwint!

Accordeonmuziek *Aria uit Goldberg Variaties J.S. Bach*
(Geleijn van der Ham)

Voorbeden (Fetsje Bouman)

Oanze Vaoder Oanze Vaoder in den emel
lit joe naem vereêrd worre,
lit joe koninkriek komme
lit wat a jie wil gebeure,
op aerde, net as in den emel.
Geef oans vandaege 't broad dat a me noadig è,
en vergeef oans oanze schuld,
net as oans ok an are mènsen d'r schuld vergeve.
En stel oans nie op de proef,
mè ouw aol 't slechte van oans wig.
Wan joe koninkriek,
en de kracht en de pracht,
is eêuwig voe eêuwig.
Amen

Collectes D'n eêsten is voe het werk van pater Jan Beekman
in Burkina Faso, den twidden voe de onkosten van
de bieeênkomst. In september was de opbriengst
voe pater Beekman 204,85 euro en voe
't Kerkje 110,35 euro

Accordeonmuziek
onder de collecte *Im Kloster Ferapontow* *W. Solatarjow*

Zienge Lied 823 NLB vers 1 en 2

1 Jie bin de Vaoder van et leven,
J'ei d'aerde an de mèn 'egeve:
op land en zeê, di stae t'n sterk.
Deur joe is um an 't woord 'ekomme
om bie den dag en in z'n droômen
te zien: ier is joe Geêst an 't werk.

2 Jie ei de mènes z'n tied van leven
 mie liefde in joen and 'eschreve
 en wiest wir a t'n weune mag.
 Ie wor belaegd deur duzend vreêzen,
 toch mag t'n vrie en veilig weze
 en eit op aerde d' over'and.

Accordeonmuziek *Tanti anni prima* A. Piazzolla

(Geleijn van der Ham)

(me gae stae)

Zienge Zegenbede

Zegen oans en be - waer oans,
 doe lich - te o - ver oans Joe'n an - ge - zicht
 en wees oans ge - na - dig. en geef oans vre - de.

(me gae zitte)

Slotwoord (Jan Minnaard)

Wat a t'r de volgende maend te doen is in 't Kerkje

- Zondag 22 oktober 14.30 uur Rock around the sixties mie de groep B4 (spreek uut as BeFour). Muziek van Elvis Presley, Fats Domino, Buddy Holly, Chuck Berry enz. Toegank 8 euro ®
- Zondag 29 oktober 13.30 – 16.00 uur Open mirreg voe de tentoanstellege 'Natuurlijk'
- Zitterdag 4 nov. 14.30 uur Openienge tentoanstellege mie werk van Judy Hooimeier
- Zondag 5 nov. 14.30 uur Een jaer nae z'n sterfdag een prachtig eêrbetoan an Leonard Cohen. Z'n groste hits, mè ok minder bekend werk wor 'espeeld deur Leonard Cohen Sessieband en de Brabantse troubadoer Wim Dictus Toegank 8 euro
- Zondag 12 nov. 14.30 uur De 's Heerenhoekse Komedie mie opnieuw een komisch toneêlstuk. Verhalen Mooi Zeeland Toegank 8 euro
- Weusdag 15 nov. 14.30 uur Seniorenmirreg i.s.m. Seniorenraad Borsele Het Zuud-Bevelands Dameskoor treedt op, d'r kan soms mee'ezonge worre en Margot Geijs vertelt een paer Zeêuwse verhalen Verlotieng. Toegank 5 euro ®
- Zitterdag 18 nov. 13.30 – 16.00 uur Open mirreg voe de tentoanstellege van Judy Hooimeier
- Zondag 19 nov. 14.30 uur Oecumenische bieëênkomst mie een overdienkieng deur Bas Rentmeester en medewerkieng van de groep 'Vier'

Vrienden van 't Kerkje

Wien a 't Kerkje bluvend wil steune, kan z'n eigen of d'r eigen melde as vriend(in) van 't Kerkje. Die vriendschap die onderstreep je mie een bedrag per jaer van tenminste € 15,-.

Meêr mag natuurlijk.

Wien a vriend wil worre, meldt dat even en stort de biedraege op de rekenienge van 't Kerkje. Wien a vriend(in) is, krieg in elk geval eêns per seizoen twî gratis toegangskaarten en natuurlijk de complete agenda. A je meêr oudt van losse contacten dan ka je ok een flienk bedrag ineêns storte. Bankrekeningnr:

NL49RABO03283 42 718

Vriewilligers ezocht

Me zoeke mensen die a 't licht en geluud willen (leêre bediene)!!! Moai werk! Ok mensengezocht die a voe parkeerwacht wille spele op een paer mirregen per seizoen. Vadder gasteêren en gastvrouwen voe het welkom, de thee, de koffie enz. 't Verdien eêl goed: gratis voorstellingen, vee contacten, vriendschap, sfeer.

Nieuwsbrief

Abonneer j'n eigen gratis op de Nieuwsbrief van 't Kerkje. Die verschien af en toe via de e-mail.

Geef je emailadres deur an kerkje@ellesdiek.nl of vul een kaartje in. De kaartjes ligge bie de uutgang.

Reservere kan via reserveer@ellesdiek.nl of 0113 612681

Website www.ellesdiek.nl

e-mail kerkje@ellesdiek.nl